

Na osnovu člana 137. Pravila Javne ustanove Osnovne škole „Isak Samokovlija“ Sarajevo, a na prijedlog Nastavničkog vijeća škole, Školski odbor Javne ustanove Osnovne škole „Isak Samokovlija“ Sarajevo, na sjednici donosi PRAVILNIK O KUĆNOM REDU SA ETIČKIM KODEKSOM JAVNE USTANOVE OSNOVNE ŠKOLE „ISAK SAMOKOVLIJA“ SARAJEVO

IZVOD IZ PRAVILA KUĆNOG REDA OŠ „ISAK SAMOKOVLIJA“

Osnovna škola „Isak Samokovlija“ , radi u dvije smjene:

Nastva se odvija u prvoj smjeni od 8,00 sati za učenike, i druga smjena od 14,00 sati

Čas	Prva smjena	Druga smjena
1.	8,00 - 8,45	14,00 - 14,45
2.	8,50 - 9,35	14,50 - 15,35
3.	9,40 - 10,25	15,40 - 16,25
	Veliki odmor traje 20 minuta	Veliko odmor traje 20 minuta
4.	10,45 -11,30	16,45 – 17,30
5.	11,35-12,20	17,35 – 18,20
6.	12,25-13,10	18,25 – 19,10

- Školska zgrada je pokrivena video nadzorom u skladu sa Pravilnikom o video nadzornom sistemu u JU OS Isak Samokovlija.
- Školska zgrada se zaključava u 8.00 kada počinje prva smjena i u 14.00 sati kada počinje druga smjena.
- Učitelji/ce od 1. do 5. razreda (ili učiteljica iz produženog boravka) uvode učenike 10 minuta prije početka nastave i izvode ih poslije nastave do ulaza škole gdje ih prihvataju roditelji.
- Učenici/ce od 6. do 9. razreda ulaze u školu 10 minuta prije početka nastave.
- Učenici/ce se grupišu u školskom dvorištu prema određenom redu i obilježju razreda i odjeljenja.
- Roditelji učenika/ca-korisnika/ca produženog boravka dovode dijete do ulaznih vrata škole gdje ih dočekuje učiteljica iz boravka, koja preuzima dijete, a isto vrijedi i za povratak iz produženog boravka.
- Učenik/ca koji kasni dužan je javiti se dežurnom učeniku koji ga evidentira u svesku dežurstva i ostaje u holu škole do završetka časa.

- Roditelji koji dolaze po dijete u produženi boravak javljaju se dežurnom učeniku u holu škole, koji telefonom kontaktira osoblje u boravku.
- U toku zimskih mjeseci učenici/ce u holu čekaju početak nastave (najranije od 7.30 odnosno 13.30 sati).
- Od 7.00 do 7.30 sati u prvog i od 13.00 do 13.30 u drugoj smjeni na ulazu dežura spremačica. Od 7.30 odnosno od 13.30 sati na ulazu dežuraju dežurni učenici/ce i dnevni čuvar, a za vrijeme velikog odmora uz glavnog dežurnog dežura i dežurni nastavnik sa prvog sprata, a glavni dežurni nastavnik je na dvorištu škole.
- Roditelji učenika/ca prvog razreda dolaze na informacije u toku sedmice prema planu dogovorenom sa učiteljicama.
- Roditelji učenika/ca od 6. do 9. razreda dolaze na informacije u skladu sa dogovorom sa razrednim starješinom i u skladu sa GPRŠ.
- U izuzetnim slučajevima kada postoji potreba komunikacije roditelja sa razrednikom, van redovnih informacija, roditelj preko dežurnog učenika zakazuje razgovor sa razrednikom.
- U slučaju kada roditelj dolazi na dogovoreni individualni razgovor sa razrednikom, pedagogom ili direktorom škole, dužan je pokazati poziv dežurnom učeniku koji ga prati do mjesta sastanka.
- Posjetilac je dužan dati lični dokument dežurnom učeniku/ci da ga evidentira u svesku dežurstva.
- Pušenje nije dozvoljeno u školskom dvorištu.
- Obavezno nošenje školske uniforme za sve zaposlene i za učenike/ce u prostorijama škole.
- Zabranjeno je korištenje mobilnih telefona za vrijeme nastave.

KODEKS ODIJEVANJA UČENIKA

U svim slučajevima kada se učenik ne bude pridržavao Kodeksa odijevanja i pravila ponašanja dežurni nastavnik, predmetni nastavnik, razrednik, direktor, pedagog škole učenika-cu može poslati kući da zamijeni odjeću/obuću, o tome obavijestiti roditelje, upisati izostanak i razlog, a razrednik će te časove klasificirati kao neopravdane.

- Učenik-ca je dužan u školu dolaziti uredan i čist.
- Svi učenici moraju voditi računa o ličnoj higijeni
- Smatra se da je učenik-ca neprikladno odjeven-a, ako u školu dolazi u hlačama sa plitkim strukom koje pokazuju gole dijelove tijela, u prekratkim majicama, kratkim suknjama iznad koljena, šorcevima i bermudama.
- Učenik-ca u školu ne može dolaziti u prozirnoj i pretijesnoj odjeći, u odjeći sa uvredljivim i/ili nepristojnim natpisima, porukama, riječima, znakovima ili slikama.
- Učenici u školu ne mogu dolaziti u donjem dijelu trenerke, učenici u školu ne mogu dolaziti u japankama, papučama niti učenice mogu dolaziti u obući s visokim potpeticama.
- Tokom časa učenici-ce ne mogu nositi bilo kakve šešire, kape, kačkete ili kapuljače,

- Učenik-ca je neprikladno odjeven-a ukoliko u školu dolazi golih ili polugolih leđa, otkrivenih ramena (majice na bretele, kimono rukavi) i sa dekoltiranim izrezima, te u pripijenim helankama koje su u kombinaciji sa kratkim majicama.
- Učenik mora biti bez šminke i pirsinga, glomaznih naušnica, upadljivog nakita , privremenih ili trajnih tetovaža, farbanja kose.
- Prilikom organiziranih posjeta određenim manifestacijama, institucijama, pozorištima i sl. učenici su također dužni voditi računa o prikladnom odijevanju.

Za vrijeme boravka u školi, kao i dvorištu škole, učenicima **nije dozvoljeno:**

- kašnjenje na čas, posebno nakon velikoga odmora
- konzumiranje hrane nakon odmora u školi (hol, učionica, stepenište...),
- unošenje energetske napitaka,
- korištenje mobitela, MP3 i slične uređaje za vrijeme trajanja nastave
- za vrijeme nastave da drže upaljen zvuk na mobilnim uređajima
- da igraju igrice na igraćim konzolama, mobilima ili tablet uređajima
- da koriste mobitele ili druge uređaje radi snimanja fotografija ili video zapisa osoblja škole ili drugih učenika/ca za vrijeme trajanja nastave za vlastite svrhe ili radi objavljivanja istih na internetu
- pušenje, konzumiranje alkohola i uživanje bilo kakvih narkotičkih i opojnih sredstava u školskoj zgradi i školskom dvorištu,
- donošenje ili upotreba pirotehničkih sredstava u školu i dvorište škole
- donošenje predmeta kojima mogu ugroziti svoju i sigurnost drugih osoba, a koji nisu potrebni za održavanje nastavnog procesa,
- zabranjeno je neovlašteno korištenje fotografija i videozapisa sa nastavnih procesa iz škole i školskog dvorišta na internetu i društvenim mrežama.
- mobiteli, uređaji i aparati zloupotrijebljeni za vrijeme nastave u smislu kršenja odredbi ovog Pravilnika, mogu biti izuzeti i zadržani u upravi škole do dolaska roditelja/staratelja da preuzmu iste.
- U slučaju nasilja nad djecom, škola će postupiti u skladu sa SMJERNICAMA ZA POSTUPANJE U SLUČAJEVIMA NASILJA NAD DJECOM U BIH.

PRAVILA O RADU DEŽURNIH UČENIKA

Dežura je obavezna za sve učenike koje odredi razredni starješina

Dežurni učenici imaju obaveze da:

- Dežurni učenici su dužni imati radnu odjeću za vrijeme dežure. U slučaju kada dežurni učenik nema radne odjeće, dežurni nastavnik je dužan da reaguje u skladu

sa Pravilnikom

- Dolaze u 7,30 kada su prva smjena ili u 13,30 kada su druga smjena
- Dežurstvo završavaju u 13,10 kada su prva smjena ili u 19,10 kada su druga smjena
- Pomažu dežurnim nastavnicima u vrijeme odmora i prilikom ulaska učenika na nastavu
- Vode knjigu dežurstva u koju evidentiraju sve posjete školi na osnovu lične karte posjetitelja, učenike koji kasne na nastavu kao eventualne probleme u toku dežurstva
- Propuste roditelje na redovne informacije prema rasporedu istih tek kada se završi nastava razrednika
- Kontaktira razrednika ili nastavnika u slučaju kada roditelj želi vanredni sastanak sa istim
- Najave posjetioca osoblju Škole i isprate istog do kancelarija
- Ulazna vrata zaključa kada je nastava u toku
- U toku druge smjene kontaktira produženi boravak kada roditelj dođe po dijete
- U slučaju nesporazuma sa roditeljima ili drugim posjetiteljima kontaktira osoblje Škole (domar, spremačica, dežurni nastavnik, sekretar, pedagog, direktor)
- U toku dežurstva učenici ne napuštaju mjesto dežurstva, izuzev kada obavljaju poslove unutar škole (oglas, praćenje posjetioca...), na ulazu ostaje dnevni čuvar škole
- Nije dozvoljeno donošenje predmeta za igru kao i naručivanje hrane i pica iz ugostiteljskih objekata
- Da svojim ponašanjem budu uzor drugim učenicima

NASTAVNICI

Nastavnici škole obavezni su da:

- dolaze najmanje 20 minuta prije početka nastave, ako nisu dežurni
- u školi budu primjereno odjeveni što isključuje izazovno odjevanje, dekoltirane majice, kratke suknje, tijesnu/usku ili providnu odjeću i sl.
- ne koriste mobitele za vrijeme trajanja časa, ne izlaze sa nastave na hodnik radi upotrebe mobitela, ne sastavljaju SMS/MMS poruke ili poruke zasnovane na aplikacijama društvenih mreža u toku trajanja nastave kao i korištenje mobilnog ili školskog interneta na nastavi za privatne i nenastavne aktivnosti
- koriste školsku internet LAN mrežu i wireless internet konekciju (školske IP adrese) pod punom moralnom i krivičnom odgovornošću
- otključavaju učionicu odnosno kabinet i pregledaju, te o uočenim nepravilnostima ili oštećenjima obavjeste nadležno lice,
- održavaju red i disciplinu pri ulasku i izlasku učenika iz učionice u kojoj imaju nastavu,
- upozoravaju učenike koji u školi i dvorištu škole narušavaju disciplinu, rad, pravila i autoritet škole,
- opremu i sredstva koriste sa pažnjom i u skladu sa njihovom namjenom,

- po završetku časa upišu čas u e-dnevnik ako nisu stigli za vrijeme časa,
- U slučaju nasilja nad djecom, škola će postupiti u skladu sa SMJERNICAMA ZA POSTUPANJE U SLUČAJEVIMA NASILJA NAD DJECOM U BIH.

PRAVILA O RADU DEŽURNIH NASTAVNIKA

Dežurni nastavnik ima sljedeće obaveze:

- Dolazi u 7,30 (prva smjena), odnosno u 13,30 (druga smjena)
- Dežurstvo se završava u 13,10 (prva smjena), odnosno 19,10 (druga smjena) - zavisno od broja časova u školi
- Glavni dežurni nastavnik organizuje ulazak i izlazak učenika na početku i na kraju nastave, te za vrijeme velikog odmora
- Drugi dežurni nastavnik u vrijeme velikog odmora, a zavisno od vremenskih uslova isprati učenike (nakon što ostave školske stvari) van učionica uz obavezu da dežurni učenici (redari) ostanu u učionici. U vrijeme malih odmora drugi dežurni nastavnik na hodniku (prvi sprat) održava disciplinu
- Glavni dežurni nastavnik vodi knjigu dežurstva nastavnika u koju evidentira odsustva nastavnika, značajne događaje u školi u toku dana i eventualne teškoće u toku dežurstva
- U slučaju odsustva dežurnog učenika organizuje zamjenu istog
- Za vrijeme velikog odmora uz glavnog dežurnog nastavnika dežura i dnevni čuvar škole.
- Dežurni nastavnik je odgovoran za disciplinu u toku odmora kao i radu dežurnih učenika
- U slučaju nasilja nad djecom, škola će postupiti u skladu sa SMJERNICAMA ZA POSTUPANJE U SLUČAJEVIMA NASILJA NAD DJECOM U BIH.

TAKMIČENJA

- Nastavnici koji pripremaju učenike za takmičenja, mogu svoje takmičare osloboditi nastave za pripreme, do tri dana po svakom nivou takmičenja (izuzev školskog takmičenja).
- Učenici takmičari, koji su na pripremama, ne zapisuju se u dnevnik dane koji su oslobođeni za pripreme i samo takmičenje.
- Nastavnici koji pripremaju učenike za takmičenje, dužni su dostaviti spisak takmičara sa datumom takmičenja i izvjesiti ga na oglasnu ploču zbornice.

RODITELJI

Roditelji/ staratelji škole obavezni su :

- poštovati Pravila škole,
- svakog mjeseca tekuće školske godine, doći u školu najmanje jedanput i informisati se o učenju i vladanju svog djeteta,
- u komunikaciji sa uposlenicima poštovati hijerarhiju : dežurni nastavnik/učenik – razrednik-predmetni nastavnik-menadžment škole,
- poštovati bonton i kodeks odjevanja u javnim ustanovama, da u školi budu primjereno odjeveni što isključuje izazovno odjevanje, dekoltirane majice, kratke suknje, kratke pantalone, helanke u kombinaciji sa kratkim majcima, tijesnu/usku ili providnu odjeću i sl.,
- uvažavati radno vrijeme uposlenika i ne zadržavati ih bespotrebno u holu ili dvorištu škole,
- primjereno se ponašati u školi.

RAD U BORAVKU

- Produženi boravak je poseban oblik odgojno-obrazovnog rada sa učenicima koji se realizira u školi u okviru koga učenici imaju samostalan rad i niz različitih oblika slobodnih aktivnosti i zdravu ishranu
- Rad u boravku odvija se u skladu sa Pravilnikom o radu produženog boravka JU OŠ Isak Samokovlija
- Roditelji su dužni poštovati radno vrijeme boravka, a radi organizacije aktivnosti učenika obavezni su poštovati i pratiti uputstva učiteljica i menadžmenta škole